



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

176

S-80

29 JUL 2009


ՍԵՌԱՅԻՆ

3

2P

176
S-80

ՅԱՐԱԲԵՐՈՒԹԻՒՆ



300
1658-54

ԼԵԻ ՏԱԼՍՏՅՅ.

ԹՄՐԳՄ. ԷՄՄ. ՔԱՂ. ՆԱԶԱՐԵԱՆՅ.

Էլեքտրաշարժ տպարան Ե. Աւետիսեանի, Մոսկվա.

1906.

23 AUG 2013

ՎԻՃ. Կ. Խ. Զոր (ստեղծագործություն) տեղի Երևանի քաղաքում

12482 8

176	Տարածություն
S-80	Առարկա
	Խաղաղություն

176	10/17/82
524	3/5/60
108691	21/11/80

176
S-80
300 ևր

ԼԵՒ ՏԱԼՍՏՈՑ



1658-SU

ՍԵՌԱՅԻՆ

ՅԱՐԱԲԵՐՈՒԹԻՒՆ

12482

Թարգմանեց

ԷՍՍ. ՔԱՅ. ՆԱԶԱՐԵԱՆՑ.

Ելեքտրաշարժ տպարան Ե. Աւետիսյանի, Մոսկվա.
1906.

ԲԱՅԱՏՐՈՒԹԻՒՆ

Բառերի վերջը, որտեղ «յ», իրև անձայն կամ համր տառ, չէ հնչվում, բոլորովին աւելորդ է, չպէտք է գրվի:

Ցանկանալով, որ ուրիշներն էլ, ինձպէս, հրաժարվեն դրա գործածումից, ես բերում եմ այստեղ երկու հատ արժէքաւոր պատճառարանումիւն, աւելացնելով, որ, վերջին ժամանակներս, ուսաններն էլ, նոյն պատճառով, արդէն հրաժարվել ու հետզհետէ հրաժարվում են, մեր չ-ի պէս համր, իրանց «ծ»-ի գործածումից:

Թարգմ.

1) «Մեր նախնիք բառավերջում չ գրել են լաձախ բոլորովին անտեղի: Կան մի շարք բառեր, որոնք վերցրած են ասորերէնից: Ասորի լեզուում նրանք վերջանում են **ւ**-ով, իսկ մերոնք գրել են **ւյ**. քահանա—**kahana**, լումայ—**lumay**,... Տղայ գրէին **Թէ տղայ**, մի և նոյն է. սեռականում **ա** և **ի** իրար մօտ զալում **տղա**-ի ներս պիտի մտնէր չ շփման օրէնքով: Ծիշտ այնպէս, ինչպէս գրում ենք Փրանսիա, Փրանսիայի, տղա, տղայի... և այլն:

Հնում եղել են լուրջ փորձեր լապաւելու անձայն չ-երը: Լազարեան ճեմարանի Աւետարանում, որ մեզ հասած գրչագրներից ամենահինն է, գրած **Թ**. դարում, չ-ի զեղջը սովորական է —**սատանա, որդւո, ձորձո, ողորմեցա, հանեցա, և այլն:**

Եթէ մի հնչին կա, որ չի սիրում աշխարհաբարբ, այդ չ է: Նոր յ-երով բեռնել լեզուն ան ժամանակ, երբ նա ձգնում է թօթափել հների ծանրութիւնը, նշանակում է բռնութիւն գործ դնել լեզուի վրա. . .

Յ-երի լապաւումը մեծ թեթևութիւն է, որովհետև լեզուն մօտեցնում է հնչականին:

Ն. Աւրոնց.

2) «Մեր կարծիքով շատ նպատակայարմար կլինէր աշխարհաբարբի մէջ ընդունել այս ուղղագրութիւնը, գրելով «ճառա, բահանա, Վանա ծով» և այլն, ինչպէս որ գրում ենք «ահա, նա, նրա, Աննա, Երոպա, ասա, գնա» և այլն:

Այսպիսով կունենանք մի դիւրին և հաստատուն կանոն: Իսկ դիւրութիւնը, որ շփոթութիւններ չէ ծագեցնում, շատ և շատ զնահատելի բան է, մանաւանդ մեր հանգամանքներում եղող ժողովրդեան համար, որ օրից օր աւելի գրկում է իւր մայրենի լեզուն սովորելու հնարաւորութիւնից և միջոցներից. . .»:

Գ. Տէր-Մկրտչեան:

ԼԵՒ ՏԱԼՍՏՅՅ

Ս Ե Ռ Ա Յ Ի Ն

ՅԱՐԱԲԵՐՈՒԹԻՒՆ^{*)}

I.

Ես ուզում էի ասել առաջին, որ մեր հասարակութեան միջև կազմված է հաստատ, բոլոր զասակարգերին յատուկ և կեղծ գիտութեան կողմից պաշտպանվող այն համոզումը, թէ սեռային չարաբերութիւնը՝ առողջութեանը անհրաժեշտ մի գործ է, և թէ որովհետև կին առնելը այնպիսի բան չէ, որ միշտ հնարաւոր լինի, այս պատճառով, ամուսնութիւնից դուրս, սեռային չարաբերութիւնն էլ, — որ տղամարդի վրա, բացի զբաժանական վարձատրութիւնից,

*) Վ. Չերտկովը, Լև Տալստոյի գրուածքներից բաղուածքներ անելով ս ե ո ե ռ ի յ ա ը բ ե ռ ու թ ե ա ն մասին, կազմել է մի գրքուկ:

Իմ այս թարգմանութիւնը այդ գրքուկի համառոտութիւնն է: Թարգմ.

ուրիշ պարտք չէ՛ դնում, — բոլորովին բնական մի գործ է, ուստի և պէտք է խրախուսովի: Այս համոզումը այնքան է հանրացել ու հաստատուել, որ ծնողները, բժշկները խորհրդով, իրանց զաւակների համար զեղխ ու անբարոյական կեանք են ստեղծում. կառավարութիւնները, — որոնց միակ նպատակը իրանց քաղաքացիների բարոյական վիճակի հողատարութիւնն է, — հնարում են զեղխութիւններ, այսինքը կարգի են բերում կանանց ամբողջ մի դասակարգ, որոնց պարտքն է՝ հողով ու մարմնով կորչել, ոչնչանալ՝ էրիկների (աղամարդկանց) երեակաչական պահանջներին բաւարարութիւն տալու համար. իսկ ամուրիները, բոլորովին հանդիսա խղճով, անձնատուր են լինում զեղխութեանը:

Իրա առիթով ես ուզում էի ստել, որ սա լաւ չէ՛, որովհետեւ անկարելի է, որ մի բանի մարդու առողջութեան համար՝ հարկաւորովի ոչնչացնել միւսների հողին ու մարմինը, ինչպէս անկարելի է, որ մի բանիսի առողջութեան համար՝ հարկաւորովի խմել միւսների արիւնը:

Իսկ այն եղրակացութիւնը, որ թվում է ինձ, թէ բնականաբար կարելի է անել սրանից, հետեւեալն է. չպէ՛տք է ենթարկել այս մորրութեանն ու խաբէութեանը: Իսկ չենթարկելու համար, առաջին, չպէ՛տք է հաստատ պանարոյական վարդապետութիւնների, ինչ երեակաչական զիտութիւնների կողմից էլ նրանք

պաշտպանելիս լինեն. ու երկրորդ, պէ՛տք է հասկանալ, որ սեռային այնպիսի յարաբերութիւնը, որով մարդիկ կամ աղատում են իրանց նրանից սպասելիք հետեւանքներից՝ զաւակներից, կամ այս հետեւանքների ողջ ծանրութիւնը զցում կնոջ վրա, կամ զաւակներ ծնելու առաջն առնում, — այսպիսի սեռային յարաբերութիւնը մի յանցանք է բարոյականութեան ամենահասարակ պահանջների դէմ, ստորութիւն է և, այս պատճառով, այն ամուրիները, որոնք չեն ուզում ստոր կեանքով ապրել, այսպէս չպէ՛տք է անեն:

Իսկ այդ զեղխութիւնից իրանց չեա պահելու, ժուժկալելու համար, բացի նրանից, որ պէ՛տք է ապրեն բնական կեանքով, չպէ՛տք է խմեն, շատ չուտեն, միա չուտեն և աշխատանքից (չոզնեցնող աշխատանքից) չփախչեն, — նրանք չպէ՛տք է մտքներովն անց կացնեն օտար կանանց հետ յարաբերութիւն ունենալը, ինչպէս մարդ չէ թոյլ տալիս այդպիսի յարաբերութիւն ունենալ իր և իր մօր միջև, բոլրերի, ազգականների ու բարեկամների կանանց միջև:

Իսկ այն բանի ապացոյցները, թէ ժուժկալութիւնը անկարելի բան չէ և աւելի թիչ է վտանգաւոր ու առողջութեանը վնասակար, քան անժուժկալութիւնը, ամէն աղամարդ հարիւրաւորը կզանի իր շուրջը:

Այս՝ առաջին:

Երկրորդն այն է, որ, մեր հասարակութեան

մէջ, — որակց սիրային յարաբերութեանը նայում են ոչ միայն իբրև սոսոցութեան անհրաժեշտ պայմանի և բաւականութեան, այլ և կեանքի բանաստեղծական վսեմ վայելքի, — ամուսնական անհաւատարմութիւնը, հասարակութեան բոլոր խաւերի միջև, (զիւղական խաւի մէջ, մանաւանդ զինւորների շնորհիւ) դառել է ամենասովորական մի երևոյթ:

Ու ես կարծում եմ, որ սա լաւ չէ: Եւ սրանից այն եզրակացումովիւնն է ստացւում, որ այդպէս չպէ՛տք անել:

Իսկ այսպէս չանելու համար, պէտք է փոխվի սեռային յարաբերութեան մասին ունեցած կարծիքը. ազամարդիկ ու կանայք, բնասանիքներով և հասարակական կարծիքով պէտք է այնպէս կրթվեն, որ ամուսնանալուց թէ՛ առաջ ու թէ՛ յետո սիրահարութեան ու նրա հետ կապված սեռային սեքին չնայեն, իբրև բանաստեղծական ու վսեմ վիճակի, ինչպէս նայում են հիմա, այլ իբրև մարդու աչքում ստորացնող մի անասնական վիճակի, և, որ պասկվելու ժամանակ, հաւատարիմ մնալու խոստումը դրժելը նոյնպէս պատժվի հասարակական կարծիքի կողմից, ինչպէս պատժվում են դրամական պարտաւորութիւններ չկատարելն ու առևտրական խաբէութիւնները, — և ոչ թէ՛ զովարանվեն, ինչպէս անում են հիմա վէպերում, ոտանաւորներում, երգերում, օպերաներում և այլն:

Այս՝ երկրորդ:

Երրորդն այն է, որ մեր հասարակութեան մէջ, — նոյնպէս և նոյն կեղծ նշանակութեան համար, որ տրված է սեռային սեքին, — որդեճնութիւնը կորցրել է իր իմաստը, և, փոխանակ ամուսնական յարաբերութիւնների նպատակն ու արդարացումը լինելու, դառել է սիրային յարաբերութիւնների ակտիւ շարունակութեան խոչնդոտը, և, որ, այս պատճառով, ամուսնութիւնից դուրս էլ, ամուսնութեան մէջ էլ, բժշկական դիտութեան սպասաւորների խորհրդով, սկսել է սարածվել այնպիսի միջոցների գործադրութիւնը, որոնք կնոջը զրկում են զաւակներ ծնելու հնարաւորութիւնից, կամ սովորութիւն է դառել, ինչ որ առաջ չկար, ու զեռ հիմա էլ չկա զիւղական նահապետական բնասանիքներում, այն է՝ յղութեան և ծիծ տալու ժամանակ ամուսնական յարաբերութիւնները շարունակելը:

Ու ես կարծում եմ, որ սա լաւ բան չէ:

Որդեճնութեան դէմ հնարներ գործ դնելը լաւ չէ, առաջին, այն պատճառով, որ դա մարդուն ազատում է զաւակների մասին հոգալուց ու աշխատելուց, զաւակների, որոնք հանդիսանում են իբրև սեռային սիրու փրկանք, ու երկրորդ, որովհետեւ սա մարդկային խղճի ամենահակառակ գործի, այն է՝ մարդասպանութեան ինչ որ շատ մօտիկ մի բան է: Եւ յղութեան ու ծիծ տալու միջոցին անժուժկալու-

Թիւնը վատ է այն պատճառով, որ դա ոչնչացնում է կնոջ մարմնաւոր, և գլխաւորապէս հոգեկան ուժերը: Ու սրանից ստացվում է այն եղրակացութիւնը, որ սցապէս չպէտք է անել: Իսկ այսպէս չանելու համար՝ պէտք է հասկանալ, որ ժուժկայութիւնը, — որ մարդկային արժանապատուութեան անհրաժեշտ պայմանն է, — չամուսնացած, մանաւանդ թէ ամուսնացած ժամանակ, պարտաւորակն է:

Այս՝ երրորդ:

Չորրորդն այն է, որ մեր հասարակութեան մէջ, — որտեղ զաւակները ներկայանում են կամ իբրև բէֆի արդիւր, կամ իբրև մի թշուառ պատահականութիւն, կամ իր տեսակի գուարնութիւն, երբ նրանց թիւը հասնում է այնքանի, ինչքան որ ծնողներն առաջուց որոշել են, — այդ զաւակները կրթվում են, նկատի ունենալով ոչ թէ մարդկային կեանքի այն խնդիրները, որ լուծելու են նրանք իբրև խելացի ու սիրված էակներ, այլ միայն նկատի ունենալով այն բաւականութիւնները, որ նրանք կարող են պատճառել իրանց ծնողներին: Եւ որ, այս պատճառով, մեր զաւակները կրթվում են, ինչպէս անասունների ծագեր, այնպէս որ ծնողների գլխաւոր անելիքը ոչ թէ այն է, որ նրանց պատրաստեն՝ մարդապալել գործ կատարելու, այլ այն (ինչի մէջ որ ծնողները պաշտպանվում են բժշկականութիւն կոչված կեղծ գիտութեան կողմից), որ, ինչքան կարելի է, լուս ուտեցնեն

նրանց, մեծացնեն հասակները, որ նրանք լինեն մաքուր, սպիտակ, կուշա, զեղեցիկ (եթէ հասարակ զասակարգերում այսպէս չեն անում, պատճառը անհարութիւնն է, իսկ հաշտացրը մի և նոյնն է): Եւ բնքշացրած զաւակների մէջ, ինչպէս և լուս կերակրած բոլոր անասունների, անբնականորէն վաղ է առաջ զալիս այն անյաղթելի զգայականութիւնը, որ այդ զաւակների սոսկալի տանջանքների պատճառն է դառնում պատանիութեան տարիքում: Զարդարանքները, կարգուծները, տեսարանները, երաժշտութիւնը, պարերը, քաղցր կերակուրը, շրջապատը, բոլոր սարք ու կարգը՝ սուսիկների վրայի փոքրիկ պատկերներից սկսած մինչև վէպերը, վէպիկներն ու պոչէմները աւելի են բորբոքում այդ զգայականութիւնը, հետևապէս և սեռային ամենատոսկալի արատներն ու հիւանդութիւնները՝ երկու սեռի զաւակները մեծացնելու սովորական պայմաններն են դառնում, ու չտեսիս մնում են նոյն իսկ մեծ հասակում:

Ու ինձ թվում է, որ սա լուս բան չէ: Իսկ սրանից այն է եղրակացվում, որ պէտք է դադարել՝ մեր որդիքը՝ անասունների ծագերի պէս կրթելուց, նրանց կրթելու համար ուրիշ նպատակներ պէտք է սահմանել միայն ի՛նչ ուղղում է, լինի, չլինի, — մտրմնի զեղեցիկ լուս պահած ու փայփայած լինելը չպէտք է լինի:

Այս՝ չորրորդ:

Հին գերորդն այն է, որ մեր հասարակութեան

մէջ, որանց երիտասարդ տղամարդի ու կնոջ սիրահարութիւնը, — որի հիմքը էլի սեռային սերն է, — մարդիկ հասցրել են մարդկային ձգտումների բանաստեղծական բարձրագոյն նպատակին, որի սպասցոյցն է մեր հասարակութեան ողջ արուեստն ու բանաստեղծութիւնը, — երիտասարդները իրանց կեանքի լուսադոյն ժամանակը նուիրում են, տղամարդիկ՝ լաւ երեւարւն, հետամտելուն ու իբրև սիրային կապ կամ ամուսնութիւն, սիրու ամենալաւ առարկաներին տիրելուն, իսկ կանայք ու օրիորդները՝ տղամարդիկ հրապուրելուն և իրանց հետ կապելուն կամ ամուսնանալուն:

Ու այս պատճառով մարդու լուսադոյն ուժերը գործ են զրկում ոչ միայն ոչինչ չարատրերող, այլ և վնասակար աշխատանքի վրա: Սրանից է առաջ գալիս մեր կեանքի անմիտ շրեղութեան մեծ մասը, սրանից է առաջ գալիս տղամարդկանց անդործութիւնն ու կանանց անամօթութիւնը, որոնք առանց քաջիկու, հաղնվում են մարմնի մասնների զղայականութիւնը զրգոող մողերով, որ առել են առաջուց յայանի փչացած կանանցից:

Ու ես կարծում եմ, որ սա լաւ բան չէ:

Լաւ բան չէ՛ այն պատճառով, որ, ամուսնութեամբ կամ ամուսնութիւնից դուրս, սիրու առարկային միանալու նպատակին հասնելը, — ինչքան էլ դա բանաստեղծիկ լինի, — նոյնպէս անմարդավայել մի

նպատակ է, ինչպէս և քաղցր ու առատ կերակուր ձեռք բերելու նպատակը, որ շատերին ամենաբարձր վայելք է թվում:

Իսկ սրանից ստացվող եղբակացութիւնն այն է, որ պէտք է ձեռք վերցնել այնպէս մտածելուց, իբր թէ մարմնական սէրը ինչ որ առանձին մի վսեմ բան է, այլ պէտք է հասկանալ, որ մարդավայել նպատակը, — մարդկութեանը, հայրենիքին, զիաութեանը, թէ արուեստին (էլ չեմ ստում Սատժուն) ծառայելը, ինչ ուղում է, լինի, եթէ միայն մենք մարդավայել ենք համարում, — ամուսնութեամբ կամ ամուսնութիւնից դուրս սիրու առարկային տիրելով չէ՛ ձեռք բերվում, այլ, դրա հակառակ, սիրահարութիւնը և սիրու առարկային տիրելը (ինչքան էլ աշխատեն հակառակն սպացուցել սասանաւոր ու արծակ զրուածքներում) երբէք չէ՛ թեթեւացնում մարդավայել նպատակին հասնելու գործը, այլ միշտ դժուարացնում է:

Սչա՛ հինգերորդ:

Սհա այն գլխաւորը, որ ես ուղում էի ասել ու կարծում էի, թէ ասել եմ իմ պատմութեամբ *): Ու ինձ թվում էր, թէ կարելի է խօսել, դատել այն բանի մասին, թէ ինչպէս ուղղենք այս զրութիւնների մատնանշած չարիքը, բայց և թվում էր, որ նրանց երբէք չի կարելի համաձայնել: Ինձ այն պատճառով

*) «Կրկնգիրեան Սանատա»:

էր անկարելի թիւում այդ զրու-թիւններին համաձայ-
 նելը, որ՝ առաջին, դրանք բոլորովին համաձայն են
 մարդկութեան առաջընթացութեանը, — որ սանձարձա-
 կութիւնից հետո՛րեւէ ողջախօսութեանն է դիմում, —
 և հասարակութեան բարոյական դիտակցութեանը,
 մեր խղճին, որ միշտ դատապարտում է սանձարձա-
 կութիւնն ու զնահատում ողջախօսութիւնը. և, երկ-
 րորդ, որ այդ զրու-թիւնները միայն աւետարանական
 վարդապետութիւնից առնված անխուսափելի եզրա-
 կացութիւններն են, կամ, դո՛ւնէ, — թէպէտև անդի-
 տակցաբար, — ընդունում ենք իբրև մեր հասկացողու-
 թիւնների ու բարոյականութեան հիմք:

Բայց այնպէս դուրս չեկաւ:

Ուղիղ է, ոչ որ ուղղակի չէ վիճում՝ որ չէ հար-
 կաւոր դեղիս կեանք անց կացնել ամուսնանալուց ոչ
 առաջ, ոչ էլ յետո, որ չպէ՛տք է արուեստական կեր-
 պով ոչնչացնել որդե՛ծնութիւնը, որ չպէ՛տք է երե-
 խանները զուարճութեան առարկա շինել, և սիրային
 միացումը ուրիշ ամէն բանից վեր դասել, — մի խօս-
 քով՝ ոչ որ չէ վիճում, որ ողջախօսութիւնը սանձ-
 արձակութիւնից լաւ է: Բայց ասում են. «Եթէ չա-
 մուսնանալը ամուսնանալուց լաւ է, պարզ է, որ մարդ
 լաւը պէ՛տք է թողնի ու աւելի՛ լաւն անի: Իսկ եթէ
 մարդիկ այսպէս անեն, այն ժամանակ մարդկային
 ազգը կ'վերջանա, այս պատճառով էլ մարդկային ազգի
 իրէ՛կալ չի կարող լինել նրա ոչնչացումը»: Սակայն,

մի կողմ թողնելով, որ մարդկային ազգի ոչնչացումը
 մեր ժամանակի մարդկութեան համար մի նոր միտք
 չէ, — այլ կրօնասէրների համար հաւատի դաւաճու-
 թիւն է, իսկ դիտութեան մարդկանց համար՝ արեւի
 սառչելու վերաբերմամբ արած դիտումների անխու-
 սափելի եզրակացութիւնը, — այս առարկութեան մէջ
 մեծ, ասարածիտ ու հին մի թիւրիմացութիւն կա:
 Ասում են՝ «Եթէ մարդիկ հասնեն կատարեալ ողջա-
 խօսութեան իրէ՛կալին, կ'ոչնչանան. այս պատճառով
 էլ այդ իրէ՛կալը ճիշտ իրէ՛կալ չէ»: Բայց այսպէս ա-
 ստղները, գիտաւորութեամբ թէ առանց գիտաւորու-
 թեան, շիթթում են երկու դանապան բաներ՝ կա-
 նոն — հրամանն ու իրէ՛կալը:

Ողջախօսութիւնը կանոն կամ հրաման չէ, այլ՝
 իրէ՛կալ, աւելի ճիշտ՝ նրա պայմաններից մէկը: Իրէ՛կալը
 միայն այն ժամանակն է իրէ՛կալ, երբ այն կարելի է
 իրականացնել միայն գաղափարի, մտքի՝ մէջ, երբ նա
 մատչելի է դառնում միայն անվերջ լինելովը և երբ,
 այս պատճառով, նրան ձօնակալու հնարաւորութիւնը
 անսահման է: Եթէ իրէ՛կալին ոչ միայն կարելի լինէր
 հասնել, այլ և կարողանայինք նրա իրականացումը
 երեւակայել, էլ նա իրէ՛կալ չէր լինի:

II.

Եկեղեցական վարդապետութիւնները, — որոնք իրանց ըրիստոնէական են անուանում, — կեանքի բոլոր արտայայտութիւնների վերաբերմամբ, Քրիստոսի իղէպի վարդապետութեան փոխանակ, սահմանել են արտաքին այնպիսի որոշումներ ու կանոններ, որոնք հակառակ են վարդապետութեան ողուն: Այսպէս են արել իշխանութեան, դասարանի, զօրքի, եկեղեցու, աստուածաշարժութեան վերաբերմամբ, այսպէս են արել և ամուսնութեան վերաբերմամբ: Չնայելով, որ Քրիստոս ոչ միայն երբէք ամուսնութիւն չէ սահմանել, — բայց եթէ բանը հասնի արտաքին որոշումների, այն ժամանակ իսկապէս նա մերժել է ամուսնութիւնը («Թող կինդ և արի իմ ետեւից»), — իրանց ըրիստոնէական անուանող եկեղեցական վարդապետութիւններն են սահմանել ամուսնութիւնը, իբրև ըրիստոնէական հիմնարկութիւն, այսինքր որոշել են այնպիսի արտաքին պայմաններ, որոնց մէջ մարմնական սերը ըրիստոնէի համար կարող է իբր թէ անմեղ ու բոլորովին օրինական լինել: Ճէնց սրանից է առաջ դալիս սկզբից օտարօտի թվացող այն երևույթը, որ հրէաների, մահմէտականների, լսմայականների և այլն մէջ, որոնք բնութւնում են ըրիստոնէականից ցած կրօնական վարդապետութիւններ, բայց ունեն ամուսնութեան

1005
1948



համար արտաքին, եիշտ որոշումներ, — քննանկան սկզբունքն ու ամուսնական հիմնարկութիւնը անհամեմատ աւելի են հաստատ, բան, այսպէս կոչված, ըրիստոնէաների:

Իրանք ունեն որոշ հարնութիւն ու բազմակնութիւն և բազմերկութիւն, որոնք ամփոփված են որոշ սահմաններում: Իսկ մեզնում իշխում է կատարեալ սանձարձակութիւն, այլ և՛ հարնութիւն, բազմակնութիւն ու բազմերկութիւն, որ չէ՛ ենթարկվում ոչ մի կանոնի, և թաղնված է երևակայական միակնութեան անուան տակ:

Միայն այն պատճառով, որ միացողների մի փոքրիկ մասի վրա կրօնականութիւնը, այն էլ՝ փողովի կատարում է եկեղեցական ամուսնութիւն կոչվող որոշ արարողութիւնը, մեր ժամանակի մարդիկ միամտաբար կամ կեղծաւորաբար երևակայում են, թէ ապրում են միակնութեան վիճակում:

Քրիստոնէական ամուսնութիւն երբէք ոչ եղել է, ոչ էլ կլինի, ինչպէս երբէք չէն եղել ու չէն կարող լինել ոչ ըրիստոնէական աստուածաշարժութիւն (Մատթ. 2, 5 — 12. Յովն. Դ. 21), ոչ ըրիստոնէաուսուցիչներ ու հալրեր (Մատթ. ԻԳ., 8 — 10), ոչ ըրիստոնէական սեփականութիւն, ոչ ըրիստոնէական զօրք, ոչ դասարան, ոչ պետութիւն:

Կարելի է չընդունել Քրիստոսի վարդապետութիւնը, այն վարդապետութիւնը, որով սողորված է

մեր ողջ կեանքը, և որի վրա հիմնված է մեր ողջ բարոյականութիւնը, բայց,—ընդունելով այդ վարդապետութիւնը, չի կարելի չընդունել այն, որ նա մատնանշում է կատարեալ ողջախոհութեան իդէալը:

Սեւտարանում ասար, պարզ ու աշխարհ ասված է, առաջին՝ որ կին ունեցողը նրանից չպէտք է բաժանվի՝ ուրիշ կին առնելու համար, այլ պէտք է սպրի նրա հետ, ուժ հետ արդէն կապվել է (Մատթ. Ե. 31, 32, ԺԹ. 8). երկրորդ՝ որ մարդ առ հասարակ, հետևապէս թէ՛ ամուսնացածը ու թէ՛ չամուսնացածը չպէտք է նայի կնոջը, իբրև զուարեութեան առարկայի (Մատթ. Ե. 28 — 29) և, երրորդ՝ որ չամուսնացածը լաւ կանի, եթէ բոլորովին չամուսնանա, այսինքր լինի բոլորովին ողջախոհ (Մատթ. ԺԹ., 10 — 12):

Քրիստոնէական վարդապետութիւնը կեանքի ձևերը չէ որոշում, այլ մարդու բոլոր շարաբերութիւնների մէջ միայն իդէալը, ուղղութիւնն է մատնանշում. մի և նոյնն էլ անում է սեռային հարցում: Իսկ քրիստոնէական ոգի չունեցող մարդիկ ձևերի որոշումն են ուղղում: Ճէնց նրանց համար էլ հնարված է եկեղեցական ամուսնութիւնը, որի մէջ քրիստոնէական ասված բանից ոչինչ չկա:

Մի բան կարելի է ասել նրանց, որոնք «ուրեմն, ի՞նչ անենք, ամուսնանանք, թէ չամուսնանանք» հարցի պատասխանն են ուղղում, — այն, որ եթէ դուք չէք

աւանում ողջախոհութեան իդէալը, պահանջ չէք դրում նրան անձնատուր լինելու, դիմեցէք ողջախոհութեանը ամուսնական բղջախոհութեամբ, ինքներդ այդ չնախանայով: Ինչպէս, ինքս բարձրահասակ լինելով ու առջևս դանդախատուն աւանելով, ես չեմ կարող այդ զանդակատունը, իբրև նամփի ուղղութիւն, ցոյց տալ մօտովս անցնող մի կարնահասակ մարդու, որ այն չէ՛ աւանում, — այլ պէտք է ցոյց տամ նրան՝ մի և նոյն նամփին անկված մի ձող (Вѣха), ահա այսպիսի մի ձող է շիտակ ամուսնութիւնը նրանց համար, ովքեր չեն աւանում ողջախոհութեան իդէալը: Բայց այսպէս կարող ենք ցոյց տալ՝ Ես, դուք, իսկ Քրիստոս ոչինչ չէ՛ ցոյց տվել ու չի կարող ցոյց տալ, իբրև ողջախոհութիւն:

Սեռային ցանկութեան, առփանքի դէմ մղվող կռիւր ամենազօռար կռիւն է, և, —բայի մանկութեան առաջին շրջանից և խոր ծերութիւնից, — չկա այնպիսի վիճակ ու տարիք, որ մարդ ազատ լինի այդ կռիւց, այս պատճառով էլ, չի հարկաւոր բնկնվել այս կռուումը, յոյս ունենալ, թէ կարելի է ձեռք բերվի այնպիսի վիճակ, երբ դա չլինի, ու ոչ մի բոպէ չպէտք է թուլանալ, այլ պէտք է լիշէլ ու գործ դնել այն բոլոր միջոցները, որոնք տկարացնում են թշնամուն, այն է՝ խուսափել մարմինն ու հողին դրողոյ ամէն բանից, աշխատել զբազված լինել: Այս՝ մէկ: Միւսն էլ այս է. եթէ աւանում ես, որ չես կարող

կուռուծը չաղթող զուրս զայլ,--ամուսնացի՛ր, այսինքր
 բնաբերը այնպիսի կին, որ համաձայնի ամուսնանալ,
 և բեզ ու բեզ ասաս, եթէ չկարողանաս չընկնել կրու-
 ւուծը, այն ժամանակ բնկի՛ր միայն այն կնոջ հետ,
 ու նրա հետ կրթիր երեխաներդ, եթէ ունենաս, և
 նրա հետ միասին, նրան թե ու թիկուներ դառնալով,
 արի՛ դէպ ողջախոտութիւն,—ի՛նչքան շուտ, այնքան
 լաւ: Ուրիշ միջոցներ ես չգիտեմ:

Մարդ ո՛չ թէ ողջախոտութեան, այլ ողջախոտու-
 թեանը մօտենալու խնդիրը պէտք է զնի իր առջևը:
 Կենդան մարդը, — խօսելով խիստ լեզուով, — չի՛ կա-
 րող ողջախոտ լինել: Կենդան մարդը կարող է միայն
 ծղակել ողջախոտութեանը, իսկապէս այն պատճառով,
 որ նա ո՛չ թէ ողջախոտ է, այլ՝ ցանկասէր ու տափօտ:
 Եթէ մարդը տափօտ չլինէր, չէր դիտենա, ի՛նչ բան
 է ողջախոտութիւնը, հասկացողութիւն իսկ չէր ու-
 նենա նրա մասին:

Ես շատ եմ մտածել սիրահարութեան մասին և
 չեմ կարողացել զանել նրա տեղն ու նշանակութիւնը:
 Այն ինչ՝ նրա տեղն ու նշանակութիւնը շատ պարզ
 են եղել ու որոշ. դրա նպատակն է — թեթեւացնել
 ողջախոտութեան դէմ մղվող՝ ցանկութեան կռիւր: Սի-
 րահարվել կարող են այն պատանիները, որոնք չեն կա-
 րողանում դիմանալ կատարեալ ողջախոտութեանը.
 սիրահարութիւնը կարող է լինել ամուսնանալուց ա-
 ուաջ և պատանիներին ազատել տանջող կուռից, —

ամենակրիտիքական աստիճանում, 16-ից մինչև 18
 աստիճան ու աւելի: Ահա այստեղ կարող է տեղ ունե-
 նալ սիրահարութիւնը: Իսկ երբ նա բուն է դնում
 մարդու մէջ, ամուսնութիւնից չէտո, անտեղի է ու
 զգվելի:

Մարդիկ վիճում են այն բանի մասին, արդեօր
 լաւ բան է սիրահարութիւնը: Ես դրա համար ունեմ
 մի պարզ վճիռ:

Եթէ մարդ ապրում է մարդկային, հողևօր կեան-
 քով, այն ժամանակ սիրահարութիւնը, սէրը, ամուս-
 նութիւնը նրա համար կլինի անկուճ. նա պէտք է
 պարտաւորված լինի՝ ապրել իր ուժերի մի մասը
 կնոջը, բնատանիքին կամ թէկուզ միմիայն սիրահարու-
 թեան առարկային: Իսկ եթէ նա կանգնած է անաս-
 նական աստիճանի վրա, ուտում է, աշխատում, ծա-
 ուայում, դրում, նուաղում, այն ժամանակ սիրահա-
 րութիւնը նրա, — ինչպէս և անասունների ու միջատ-
 ների համար՝ կլինի բարձրացում:

Մի՛ր հաւատա, սակայն, իբր թէ կանանց մօտե-
 նալու մէջ ինչ որ առանձին լաւ ու մեղմացնող մի
 բան կա: Այդ բոլորը ցանկութեան պատրանքն է:
 Կնոջը, ինչպէս և ամէն մարդու, մօտենալու մէջ՝ ու-
 րախալի շատ բան կա, բայց առանձնապէս կնոջը
 մօտենալու մէջ՝ ոչի՛նչ չկա. եղածն էլ զգայականու-
 թեան խորը ծածկված պատրանքն է, այսու ամե-
 նայնիւ, զգայականութեան:

Գուք ինձ հարցնում էք ամորձատների (սկսպեց-
ների), ներքինիների մասին, թէ ուղի՞ց է, որ զրանք
վասա մարդիկ են, և ուղի՞ց են հասկանում զրանք
Մատթ. աւետարանի ժԹ. զլուխը, ներքինիացնելով
իրանց և ուրիշներին այդ զլխի 12-դ տան հիման
վրա:

Առաջին հարցի վերաբերմամբ իմ պատասխանն
այն է, որ վասա մարդիկ չկան, և բոլոր մարդիկ մէկ
ձօր զաւակներն են, միմեանց եղբայրներ ու ամենքը
հաւասար, -- մէկը միւսից ոչ լաւ, ոչ վատ: Իսկ լսա-
ծիս նայելով, այդ ներքինիներն սպրոււմ են բարոյական
ու աշխատասէր կեանքով: Գալով երկրորդ հարցին,
թէ ճիշտ են հասկանում նրանք աւետարանը, նրա
հիման վրա ներքինիացնելով իրանց և ուրիշներին, --
կատարեալ համոզուծով պատասխանում եմ, որ
նրանք աւետարանը ճիշտ չեն հասկանում, և, ներ-
քինիացնելով իրանց ու մանաւանդ ուրիշներին, ճշմա-
րիա բրիստոնէութեանն ուղղակի հակառակ են վար-
վում: Քրիստոս քարոզում է ողջախոհութիւն, բայց
ողջախոհութիւնը, ինչպէս և ամէն առաքինութիւն,
արժէք ունի այն ժամանակ, երբ ձեռք է բերվում
կամքի վրա զորժ գրած ջանքով, որ պաշտպանվում է
հաւատի կողմից, և ոչ թէ այն ժամանակ, երբ մե-
ղանչելը անկարելի է դառնում: Մի և նոյնը կլինի,
եթէ մարդ, շատ չուտելու համար, լոյս զցի իր մէջ
ստամորսի հիւանդութիւն, չկուտելու համար, կսպի

իր ձեռքերը կամ, չհայտնելու համար՝ կարի իր լեզուն:
Քրիստոս ստում է «Իմ լուծը քաղցր է ու բեռս՝
թէթև», և արդելում է մարդու վրա զորժ դնելիք
ամէն բռնութիւն ու լլկանք. այս պատճառով էլ,
վերքեր ստան ու տանջանքներ պատճառելը, -- թէկուզ
մինչ անգամ ոչ թէ ուրիշներին (որ արդէն աշխարհ
մեղք է), այլ՝ հէնց իրան -- քրիստոնէական օրէնքը
խախտել է նշանակում:

Քրիստոս ոչ թէ ամուսնութիւնն է արդելում,
այլ՝ ամուսնալուծութիւնը, այսինքը կին փոխելը:
Քրիստոս ամուսնութեան մէջ էլ ամենամեծ ողջախո-
հութիւն է պահանջում -- այն, որ մարդիկ միակի՛ն
լինեն: Իսկ երբ աշակերտները (10-րդ տուն) նրան
ստեղին, որ այդպէս ժուժկալելը շատ զժուար է,
այսինքը մէկ կնոջով բաւականանալը *), նա նրանց
ստում է, որ, թէպէտ ամէ՛նքը չեն կարող այդպէս
ժուժկալել, ինչպէս ժուժկալում են նրանք, ովքեր
ներքինի են ծնվել, կամ որոնց -- ներքինիների պէս --
մարդիկ են ներքինիացրել, բայց կան այնպիսիները,
որոնք իրանք են իրանց ներքինիացրել
երկնքի արքայութեան համար, այսինքը հո-
ղով յաղթել են իրանց ցանկութեանը, և որ պէտք է
աշխատել հէնց այդպիսի ներքինի դառնալ: Ասելով
«Այնպիսիները, որ ոնք իրանք են իրանց ներքի-

*) Այսինքը՝ մէկ անգամ ամուսնանալը: Թարգմ.

նիացրել երկնքի արքայու թեան համար»,
 պէտք է հասկանալ մարմնի դէմ տարած հոգու յաղ-
 թու թիւնը, և ոչ թէ մարմնական ներքինիացումը.
 այդ երևում է նրանից, որ որտեղ խօսք է ընկնում
 մարմնական ներքինիացման մասին, ասվում է՝ մարդ-
 կանցից են ներքինիացել, իսկ որտեղ խօսք է
 ընկնում մարմնի դէմ տարած հոգու յաղթանակի մա-
 սին, ասվում է՝ իրանք են իրանց ներքինի-
 ացրել:

Ամուսնական կեանքում որդեծու թիւնը անառա-
 կու թիւն չէ. բայց կուգէի խորը մտածել այս բանի
 մասին, որ կարելի լինի հիմնաւոր կարծիք յայտնել,
 որովհետեւ հէնց այն կարծիքի մէջ,— թէ մարմնական
 յարաբերութիւնը, թէպէտև սեւիական կնոջ հետ, մի-
 միայն ցանկութեան պատճառով, մէղք է, — ճշմար-
 տութիւն կա: Այսպէս էլ, — ինչպէս ես եմ կարծում,
 — իրան ներքինիացնելը նոյնպիսի մեղք է, ինչպիսին
 է մարմնական յարաբերութիւնը, որ տեղ է ունե-
 նում ցանկութիւնը կատարելու համար: Իմ կարծի-
 քով՝ հաւատարմապէս մեղք է թէ շատ ուտելը, թէ
 իրան քաղցած սպանելը կամ թունաւորելը: Մարմնի
 վերաբերմամբ այն կերակուրն է օրինական, որը ու-
 տելով, մարդ կարող է ծառայել ուրիշներին, և օրի-
 նական է մարմնական այն մերձաւորութիւնը, որով
 շարունակվում է մարդկային ազդը:

Ուրախ ապրելու համար ամուսնանալը երբէք

բախտաւոր ամուսնութիւն չի լինի: Մեծ սխալ է, երբ
 մարդ՝ զլխաւոր ու ամէն բան փոխարինող նպատակ է
 համարում ամուսնանալը, սիրածի հետ միանալը: Ու
 այդ շատ պարզ է, եթէ մարդ լաւ մտածի: Ամուս-
 նութիւնը շինել նպատակ: Լաւ. ամուսնացա՛ք, յետո՛:
 Եթէ ամուսնանալուց առաջ, կեանքներդ ուրիշ նպա-
 տակ չէ՛ ունեցել, յետո, երկուսով, շատ դժուար,
 համարեա անկարելի է, որ կարողանաք նպատակ
 դնել: Մինչ անգամ հաստատ կարելի է ասել, որ,
 եթէ ամուսնանալուց առաջ, մի հանուր նպատակ
 չէ՛ք ունեցել, յետո ոչ մի կերպով չէ՛ք կարող իրար
 դալ, այլ միշտ կհեռանաք միմեանցից: Ամուսնութիւնը
 միայն այն ժամանակն է բախտաւորացնում, երբ
 նպատակները մէկ է, մարդիկ հանդիպում են նամիին
 ու ասում, «Ե՛կէք, միասին զնանք»: «Ե՛կէք», ու
 ձեռք-ձեռքի են տալիս. բայց ոչ թէ այն ժամանա-
 կը, երբ, — իրար քաշքշելուց յետո, — մէկը մի կողմն
 է դնում, միւր՝ միւս կողմը:

Ովքեր պատրաստվում են ամուսնանալ, — հէնց այն
 պատճառով, որ կեանքը նրանց կատարեալ է թվում,
 — ուրիշ ժամանակներից աւելի՛ պէտք է մտածեն ու
 պարզեն, թէ ինչի՛ համար է ապրում իրանցից իւրա-
 քանչիւրը:

Իսկ այս բանը պարզելու համար, պէտք է զտնէք
 այն պայմանները, որոնց մէջ ապրում էք, զնահատէք
 ձեր անցեալը, այն ամէնը, ինչ որ կարևոր էք համա-

րում ու կարևոր չէք համարում, ինչին հաւատում էք, այսինքր ինչն էք համարում ձեր մշտական, անփոփոխ ճշմարտութիւնը և ինչով էք առաջնորդվելու կեանքում: Եւ ոչ միայն պէտք է իմանաք ու պարզէք, այլ և դործով փորձէք, իրադորձէք կեանքում, որովհետև քանի դեռ չէք անում այն, ինչի՛ որ հաւատում էք, ինքներդ էլ չգիտէք, հաւատում էք, թէ ոչ: Հաւատն այն է, որ մարդ իր բարօրութիւնը փնտռի ուրիշներին սիրելու և նրանցից սիրվելու մէջ: Իսկ այս բանին հասնելու համար՝ ինձ յայտնի են երեք բան, որոնց մէջ ես շարունակ վարժվում եմ, որոնց մէջ մարդ ինչքան էլ վարժվի, էլի թիչ է, և որոնք ձեզ աւելի հիմա՛ են հարկաւոր,

Առաջինը՝ որ մարդ կարողանա սիրել ուրիշներին ու սիրվել նրանցից, պէտք է իրան սովորեցնի, ինչքան կարելի է, թիչ պահանջել նրանցից, որովհետև, եթէ ես շատ բան եմ պահանջում, շատ բաներից եմ զրկվում, իսկ երբ զրկանքներս շատ են լինում, ես հակվում եմ չսիրելու, այլ յանդիմանելու, — այստեղ շատ բան կա անելու:

Երկրորդը՝ ուրիշներին ոչ թէ խօսքով, այլ դործով սիրելու համար՝ մարդ պէտք է իրան սովորեցնի անել այն, ինչ որ օգտակար է ուրիշներին: Սրա վրա մարդ շատ աշխատանք պէտք է թափի, մանաւանդ ձեր տարիքներում, երբ մարդուն յատուկ է սովորելը:

Երրորդը՝ ուրիշներին սիրելու և նրանցից սիրվելու համար՝ պէտք է սովորել հեղութեան, խոնարհութեան և անպուրեկան մարդկանց ու անախորժութիւններ տանելու արուեստը. դրանց հետ միշտ այնպէս պէտք է վարվել, որ ոչ որ չվիրաւորվի, իսկ երբ անկարելի է ոչ որի չվիրաւորելը, մարդ պէտք է կարողանա ընտրել վիրաւորանքներից ամենաթեթեւը: Ու այս կողմից աւելի շատ աշխատանք է պահանջվում. շարունակ պէտք է աշխատել՝ զարթելուց սկսած մինչև բնելը: Ու սա ամենատրախ աշխատանքն է, որովհետև մարդ օրէցօր է ուրախանում, ատենելով իր ունեցած աշողութիւնները և, բացի դրանից, ուրիշներին սիրելու համար՝ ստանում է այնպիսի մի պարզև, որ, թէպէտ սկզբում աննկատելի է լինում, բայց յետո դառնում է շատ ուրախարար:

Ձեր կեանքի նպատակը ոչ թէ ամուսնութեան ուրախութիւնը պէտք է լինի, այլ այն, որ ձեր գոյութեամբ կարողանաք աւելի մեծ սէր ու շատ ճշմարտութիւն մտցնել աշխարհ: Իսկ ամուսնութիւնը միայն այն բանի համար է, որ օգնէք միմեանց՝ այս նպատակին հասնելու: Les extrêmes se touchent. Ամենաեսական ու փուչ կեանքը այն երկու մարդու կեանքն է, որոնք միացել են՝ քէֆի համար, «իրանց արևի ձէնն ածելու») համար:

Պէտք է ամուսնանալ՝ ոչ թէ սիրելուց, այլ անպատեհաւ հաշնով, միայն այս խօսքերը հասկանալով՝

սովորական հասկացվածին բոլորովին հակառակ մտաբերով, այսինքր ամուսնանալ ոչ թէ զգալական սիրուց, այլ՝ հաշուով, այն էլ՝ ոչ թէ սրտեղ ու ինչով ապրելու (ամենքն ապրում են), այլ այն հաշուով, թէ ինչքան է հաւանական, որ ապաղա կինս ոչ թէ խանդարելու, այլ օգնելու է ինձ՝ մարդկային կեանքով ապրելու: Միշտ այնպէս պէտք է ամուսնանանք, ինչպէս մեռնում ենք, այսինքր միայն այն ժամանակ, երբ այլապէս անկարելի է: Ինչպէս մահն այն ժամանակն է լաւ, երբ անխուսափելի է, — իսկ դիտաւորեալ մահը՝ վատ է, — այնպէս էլ ամուսնութիւնն է:

Ամուսնական գործը, ըստ ինքեան, այնքան էլ հասարակ բան չէ, ինչքան թվում է: Չղացումը մտորեցնում է, բայց խելքը աւելի է խճճում. իսկ սա՛ կեանքի մէջ ամենամեծ բայն է: Ի՞նչ կարծիքով, ինչպէս ամէն բանում, դեռ ուրիշ ամէն բանից էլ աւելի, մարդ պտակվելու հարցով չպէտք է զբաղվի. այլ միշտ այն մշտական հարցը պէտք է դնի իր առջևը. — լաւ ապրել, համբերել ու սպասել, ժամանակը կզա, և հանգամանքներն այնպէս կգասաւորվեն, որ՝ էլ կարելի չի լինի չամուսնանալ: Այսպէս աւելի լաւ է. մարդ ոչ կսխալվի, ոչ էլ կմեղանջի:

Շատ շանք մի՛ք գործ դնի՛ միմեանց աւելի անձնուէր լինելու վրա, այլ բոլոր ուժով աշխատեցէ՛ք զգոյշ լինել չարաբերութիւնների մէջ, որ ընդհարումներ առաջ չգան:

Որպէս զի ամուսինները բախտաւոր լինեն, — ինչպէս զրում են վէպերում և ինչպէս ցանկանում է ամէն մարդ, — պէ՛տք է, որ նրանց միջև համաձայնութիւն լինի: Եւ որպէս զի համաձայնութիւն լինի, պէ՛տք է, որ մարդ ու կին բոլորովին միասպէս նայեն աշխարհին ու կեանքի իմաստին, (սա աւելի զաւակների վերաբերմամբ է կարեւոր): Իսկ որ մարդ ու կին միասպէս հասկանան կեանքը, կանգնած լինեն հասկացողութեան մի և նոյն աստիճանի վրա, — նոյնպէս դժուար կպատահի, ինչպէս այն, որ ծառի մի տերեւը բոլորովին ծածկի միւսին: Բայց որովհետեւ այս բանը դժուար կպատահի, այդ դէպքում, համաձայնութեան, հետևապէս և բախտի միակ հնարաւորութիւնը նրանո՛ւմն է, որ երկուսից մէկը իր հասկացողութիւնը ստորագրի միւսին:

Ինձ թվում է, թէ երկու ամուսիններից նա՛, որ զրում է, թէ իր միւս կէտը իրանից բարձր է կանգնած, հասկանում է ինչ որ իրան ոչ-բոլորովին մատչելի, բայց լաւ, աստուածային մի բան, — սա միշտ զղացվում է, — այնպէս հե՛շտ և ուրախութեամբ պէտք է ենթարկվի միւսին, որ մարդ զարմանում է, թէ ինչպէս է պատահում, որ այդպէս չեն անում...

Մեր կեանքի անհեթեթութիւնը սուտ է զայիս նրանից, որ կինը իշխում է մարդու վրա. իսկ կնոջ իշխանութիւնը սուտ է զայիս մարդու անժուժկալութիւնից. այնպէս որ անկարգ, անվայել կենցաղա-

փարութեան պատճառը՝ ճարդու անժուժկայու-
թիւնն է:

ճրատուրոյ, զրաւչութիւն ունեցող կիւնն ասուծ
է ինքն իրան. «Սձուսինս խելօք է, ուսուծնականն,
շնորհալի՛, հարուստ, նշանաւոր, բարոյականն, սուրբ-
բայց նա ինձ, յիմարիս, ազէտիս, խղճուկի՛ս, ճնչիւնիս
անբարոյականի՛ս... հնազանդուծ է. ուրեմն, խելքն էլ,
ուսուծն էլ — դատարկ բաներ են»:

Այս է նրանց փչացնուծ:



In the first part of the paper
 I have given a general account
 of the history of the
 country from the first
 settlement to the present
 time. In the second part
 I have given a description
 of the country as it is
 at present. In the third
 part I have given a
 description of the
 country as it was
 at the first settlement.

The first part of the paper
 is a general account of the
 history of the country
 from the first settlement
 to the present time. The
 second part is a description
 of the country as it is
 at present. The third part
 is a description of the
 country as it was at the
 first settlement.

100

ԳԻՆՆ Է 12 ԿՈՊ.

ՆՈՅՆ ՀԵՂԻՆԱԿԻ

1. ԱՂՕԹԻՔ	5 կոպ.
2. ՍԷՐ	8 "
Բժշկ. Պրոֆ. Բուրհերշտեյն. ԱՌՌՂՋԱՊԱՀԻԿ ԿԱ- ՆՈՆՆԵՐ՝ բոլոր ուսումնարանների ա- շակերտների ու աշակերտուհիների հա- մար	7 կոպ.



« Ազգային գրադարան



NL0152122

